

dam victoriam, adornandum fuerit, quem patientis morbi conditio indigetarit. Præterea, cùm sint disiuncta loco, patiens & agens, media quoque via, ne incommoda sit, attendetur: ne prius quām ad manus veniatur, longiore mora interceptum remedium, in itinere succumbat: aut viam transitūs præter fidem & æquitatem acerbius affigat. Belligerantibus maior ambigui Martis difficultas in eo posita est, vt extra itineris pericula, recto & inoffenso gradu, in hostis cōspectum, iam iam validas manus conserturi, promoueantur. Nec alibi bellicis stratagematibus opportunitior, magisque necessarius est locus, quām in arcibus hostium, locisq; munitionibus expugnandis. Eodem ferè patero morbosus hostis, imā corporis obfessurus, implicat se obtentis varijs, & per occultos recessus in abdita penetrat: vnde non minorem quandoque viæ transitus expediundæ, quām euerendi præfracti hostilis morbi difficultatem, prudens medicus experitur. Ergo quum simplicis remedij defectu, compositorum auxilium imploran-

F 2 dum